

Hari Kemahkotaan Yang Bersejarah

Pemandangan Yang Indah Di Istana Alam Shah

Dalam suasana yang meriah dan gembira penuh dengan adat istiadat raja-raja Melayu turun-temurun, Duli Yang Maha Mulia Tuanku Salahuddin Abdul Aziz Shah ibn al-Marhum Sultan Hisamuddin Alam Shah telah dimahkotakan menjadi Sultan Selangor Darul Ihsan.

Hari kemahkotaan yang bersejarah itu telah berlangsung dengan selamatnya pada 14 hari bulan Muharram 1381, bersamaan dengan 27 hari bulan Jun 1961 yang lalu, di Istana Alam Shah, Klang.



Keterangan gambar, atas Sahib al- Faqīlah Mufti Selangor, Dato' Seri Utama, Tuan Haji Yusuf

bin Haji Shihabuddin, sedang meletakkan mahkota di atas hulu baginda. Bersemayam di sebelah baginda ialah Tengku Ampuan.

Bawah: Baginda setelah dimahkotakan sedang menerima keris negara. Berdiri di kanan sekali ialah Menteri Besar Selangor, Dato Abu Bakar bin Baginda.





Duli Yang Maha Mulia Sultan Selangor dan Tengku Ampuan sedang mengelilingi bandar Klang pada hari kemahkotaan yang bersejarah dengan menerima sambutan yang meriah dari rakyat baginda yang sedang membanjiri jalan-jalan raya.

Bawah: Baginda Sultan Selangor menerima bintang kebesaran “Darjah Utama Seri Mahkota Negara” yang disampaikan oleh Perdana Menteri Persekutuan Tanah Melayu, Tengku Abdul Rahman Putra Al-Haj yang mewakili Duli Yang Maha Seri Paduka Baginda Yang di-Pertuan Agong, pada hari kemahkotaan yang bersejarah itu.

